



**PRIVREDNA KOMORA KANTONA SARAJEVO
SKUPŠTINA KOMORE**

Broj: 29-7/09
Sarajevo, 25.02.2009. godine

**PREDSTAVNICIMA OBA DOMA
PARLAMENTA FEDERACIJE BIH**

Poštovani,

Polazeći od činjenica:

- da je Zakon o privrednim društvima Federacije Bosne i Hercegovine značajan za privredu kao što je ustav za državu;
- da se prema izmjenama i dopunama ovog zakona treba odnositi sa maksimalnom ozbiljnošću;
- da je Zakon o izmjenama i dopunama Zakona o privrednim društvima Federacije Bosne i Hercegovine („Sl. novine FBiH“, broj: 84/08) usvojen ne uvažavajući prijedloge poslovnog sektora Federacije Bosne i Hercegovine, datih u preko 30 amandmana;
- da se u zakonskim rješenjima više vodilo računa o pojedinačnim i grupnim interesima, nego o interesima poslovnog sektora u cjelini;
- da je Zakon usvojen sa mnogo kontradiktornosti, nejasnoća i nemogućnosti implementacije;
- da se ovakvim načinom donošenja zakona ekonomska kriza, u kojoj se nalazimo, još više produbljuje.

Skupština Privredne komore Kantona Sarajevo, kao najviši organ Komore, koja zastupa interese privrednih subjekata iz svih oblasti privrede i koji čine preko 70% ekonomske snage Kantona Sarajevo, na sjednici održanoj 25.02.2009. godine, upućuje

**PROTEST
PARLAMENTU FEDERACIJE BOSNE I HERCEGOVINE**

1. Na način vođenja javne rasprave o Zakonu o izmjenama i dopunama Zakona o privrednim društvima u FBiH jer nisu ispoštovane propisane procedure i odredbe Zakona o privrednim komorama u Federaciji Bosne i Hercegovine.
2. Što su izmjene i dopune Zakon o privrednim društvima usvojene u tekstu koji nije bio predmetom javne rasprave u poslovnom sektoru.
3. Što je usvojen Zakon koji je neprimjenljiv u praksi, zbog brojnih kontradiktornosti, nejasnoća i nemogućnosti implementacije.

Skupština Privredne komore Kantona Sarajevo zahtijeva:

- **Da Parlament Federacije Bosne i Hercegovine stavi van snage primjenu Zakona o izmjenama i dopunama Zakona o privrednim društvima u FBiH („Sl. novine FBiH“, broj:84/08).**
- **Da se u što kraćem roku izvrše izmjene i dopune ovog zakona, uz usku saradnju nadležnih organa vlasti i poslovnog sektora ili da se donese novi zakon koji će biti usklađen sa interesima privrede i direktivama Evropske unije.**
- **Ukoliko nadležni organi ne prihvate ove prijedloge, Skupština Komore će pokrenuti inicijativu za mobilisanje preduzeća - poreznih obveznika, da poduzmu mjere zaštite interesa privrede, sve do nivoa građanskog neposluha.**

**PREDSJEDNIK
SKUPŠTINE KOMORE**

mr. Muhamed Šaćiragić

**PREDSJEDNIK
UPRAVNOG ODBORA KOMORE**

Nazif Branković

**PREDSJEDNIK
KOMORE**

Kemal Grebo